

[Blank yellow label]

urb. Germ.
7/4

AD
**EXAMEN
PUBLICVM**

IN GYMNASIO CVRIENSI

D. XIX. ET XXI. IAN. CLD ID CC XXIV.

DEO FELICITER IUVANTE

INSTITVENDVM

OMNES,

QVOS CVRIA HABET

MVSARVM SVARVM

EXISTIMATORES

COMMVNI DOCENTIVM NOMINE

DECENTI CVLTV

INVITAT,

ET

**LECTIONVM
CATALOGVM**

PROMVLGAT

DICTI GYMNASII RECTOR,

IO. ADAM *Sickweiler.*



LITTERIS MINZELIANIS.



Quantum discriminis intercedit inter lucem & tenebras, corpus & umbram: tanto, immo longiore intervallo distant a se invicem veritas & vana gloriatio, esse & videri. At vero ita est: famam alii habent, alii merentur: alii videntur, & non sunt; alii sunt, & non videntur. Thrafo impudenter satis primas ubique vult obtinere, qui tamen, totus ex fraude & mendacio factus, est nugiuendus. Sed gloria eius nulla est: nam qui simulatione, & inani ostentatione, & ficto non modo sermone, sed etiam vultu, stabilem se gloriam consequi posse rentur, vehementer errant; ficta omnia celeriter, tanquam flosculi, decidunt, nec simulatum potest quidquam esse diuturnum, inquit Cicero de Off. Lib. II. Cap. XII. Quomodo enim, quaeso, stare potest, quod pede caret & fundamento? quomodo sustineri, quod destitutum est basi ac fulcro? Sobrium itaque est sapientissimi Socratis consilium, citato loco a Cicerone adlegatum: *via ad gloriam proxima est & quasi compendiarum, si quis agit, ut, qualis haberi velit, talis sit.* In Gymnasio nostro omnes haberi volunt probi ac diligentes: ytrum vero sint, palam fiet in examine publico, auspiciis Summi Numinis ad instantes XIX. & XXI. Ian. dies instituendo, ubi, detracta vanae speciei larva, vera veritatis, omnes quae respuit colores & nuditatem amat, luculenter satis adparebit facies. Adeste ergo frequentes, rogo, obsecro, qui Gratia, Patrocinio & Favore alias nobis adestis, & iudicate pro integritate vestra de docentium labore ac discipulorum industria, id quod precibus repetitis efflagito. P. P. Cur. Varisc. Dom. II. post Epiph. quae est XVI. Ian. A. O. R. cl. 1724.

JO. CHRISTOPH. HUESSEL, Superintendens, Promissa superiori Examine ut servaret, pro temporis Penuria & aliorum Negotiorum ratione, quibus ex Officii amplitudine saepius impeditur, Locos ex Huttero XXVI. & XXVII. de Votis Monasticis & Magistratu, Auditoribus suis Methodo sibi solenni, qua Thesin quaque Antithesin explicuit, progrediendo simul ad insequentem XXVIII. Locum de Matrimonio & Conjugio Sacerdotum. Cum vero ex allegatis rationibus Onomatologiam tantum & Pauca e Pragmatologia exponere potuerit, perget finito Examine Deoque volente vitamque cum recta Valetudine con-

con-

concedente ad Reliqua, Magistratus autem doctrinam praesenti
Examini subjiciet.

10. ADAM Sidweiler, Rector, adiutus gratia diuina,
vbi substituit superiori anno, perrexit sequenti ordine. In dog-
matica Theologia doctrinae de regeneratione istam, quae est
de reliquis gradibus gratiae Spiritus Sancti adplicatricis, nec
non Deo & Christo adiunxit. Absolutis in Ethica Buddeana
duobus capitibus vltimis de signis propensionum humanarum, & reme-
diis mentem humanam, imprimis voluntatem, emendantibus, vt audito-
res sui praxeos ethicae haberent exemplum, praecepta theologiae
naturalis, breui stylo concepta, tradere atque in calamum dicti-
tare instituit. *Astronomia* ad finem perducta itidem praxeos
loco *artem gnomonicam* exorsus, horologia, quae regularia vocan-
tur, in plano describere iusteque erigere suos docuit. Logicae
quoque doctrinae postquam colophonem imposuit, isagogen,
quam praemittere disciplinae huic a capite exordiendae alias
consuevit, hac quoque vice praemisit, in eaque totius Logicae
conspectum exhibuit. Postmodum vt in disputando exercen-
dos iuuaret, terminos istos vniuersaliores ex Ontologia nec
non principia siue canones, qui obseruari & tradi solent,
explicare suis & inculcare sustinuit. Non minus vsum Logicum
in resoluendis pericopis euangelicis monstrauit, hisque addidit,
quae ad excitandam promouendamque pietatem facere vide-
bantur. In lectionibus ebraicis eo, quo potuit, progressus, in
legendo alios, alios in resoluendo exercuit. Interim ex hoc &
superioribus lectionum catalogis adparet, styli exercitationem
cum munere, quod gerit, per se non esse coniunctam: quoni-
am tamen vnius horulae spatium per hebdomada relictum est
proponendis & corrigendis speciminibus vel styli, vel oratoriis; id
quoque temporis otio non triuit, sed elaboranda subministravit
styli quidem specimina vel latina germanice reddenda, vel ger-
manica latine vertenda, numero 21. Chrias 3. Orationes 2. vt
haberent, in quo superiorum, mediorum & inferiorum subselli-
orum discipuli vires suas periclitarentur. Vt ergo adpareat,
vtrum industria discipulorum responderit suae: en exhibet eo-
rum seriem, (omissis, qui nuper ad scholas academicas adspi-
rarunt,) & elaborationum numerum oculis omnium exponit,
vnde facile argumentari licebit de eorum diligentia, quam reli-
quis lectionibus impenderunt. Faxit Deus, vt desides desidiae
suae

suae aliquando p̄udeat; industrii vero industriae atque op̄e-
rae suae fructus largisimos olim percipiant.

Elaborarunt Specimina styli, Chrias, Orationes

| | | | | | |
|------------|---|---|----|---|---|
| Heisser | - | - | 15 | | |
| Hencfel | - | • | 16 | 3 | 2 |
| Feder | - | - | 14 | 2 | - |
| Otto | • | - | 17 | 2 | 1 |
| Carner | - | - | 16 | 1 | - |
| Lohe | - | - | 16 | 2 | - |
| Walther | - | - | 15 | 2 | - |
| Bölsfel | - | - | 12 | 3 | 2 |
| Scherzer | - | - | 11 | - | - |
| Negelein | - | - | 11 | 1 | - |
| Spengler | - | - | 14 | 1 | - |
| Barnickel | - | • | 17 | 3 | 1 |
| von Muffel | - | - | 18 | 2 | 1 |
| Leonhardt | • | - | 13 | 3 | - |
| Rüffner | - | - | 13 | - | - |
| Drechsel | - | - | 18 | 1 | - |
| Dorn maj. | - | - | 18 | 2 | - |
| Hager | - | - | 19 | 2 | - |
| Schmidt | - | • | 15 | 3 | 1 |
| Dorn min. | - | - | 21 | - | - |
| Schaumann | - | - | 12 | - | - |
| Meinel | - | - | 15 | - | - |
| Schöpff | - | - | 18 | - | - |
| Degen | - | - | 21 | - | - |
| Meyer | - | - | 17 | - | - |

M. JO. DAVID Meyer, Contr. in praelectionibus suis re-
censendis stilo, cuius cardine omnis latinorum scholarum res
vertitur, palmarium adsignat locum. Scilicet diuinâ adiutus
gratiâ Ciceronem & Buchnerum enucleauit oratores & epistolographos, ad
uniuscuiusque concinnum numerum, quâ res, quâ uerba, probè
attendendo, *μυνηλα* dictando & in dicendi genere linguas suo-
rum gestusque defatigando. Quoad theoriam & oratoriae prae-
cepta instillanda *cel. Hubnerum* adhuc sequitur coryphaeum, & iam
in Cap. omnium utilissimo, de oratione, uersatur, operam non pla-
ne lusisse ratus, quod de diuersis ueterum dicendi generibus, antiquatis
licet, nonnulla praelibauerit, & declamatorium, quod hodie cum
pane.

panegyrico obtinet, suis propinaverit. Quas cum Horatii Sermonibus hoc anno commutavit Virgilio eclogas, eas, unam minus, ad colophonem perduxit consuetae methodi specimen in examine editurus. Priuatim aurea Erasmi colloquia & tersas Mureti orationes cum explisat, tum, illa ad communem loquendi, has ad ornatè scribendi usum, adplicat: priuatissimè autem periodos struere docet nonnullos. In pensis historicis ad pacem Nouiomagensem, uniuersales si spectes, sin ecclesiasticos annales, ad X. persecutionum finem proferendo pedem haeresiologiam istorum temporum adtexuit, ortum plerarumq; ex historia philosophica ad oculum ostendendo, conuadando. Faxit Deus T.O.M. ut omnia cedant in sui nominis gloriam, insigne studiosae pubis commodum, & in cuiusuis profectus istud Virgilio quadret:

*Multa dies uariusque labor mutabilis aevi
Rectulis in melius.*

Laborum publicè dictatorum Catalogus.

| | Orat. | Chriat. | Imitat. | Transl. g. | Extemp. | Poetica. |
|-----------|-------|---------|---------|------------|---------|----------|
| Häuser | ○ | ○ | 9 | ○ | ○ | ○ |
| Henckel | ○ | ○ | M | N | I | A. |
| Feder | ○ | ○ | ○ | ○ | ○ | ○ |
| Otto | ○ | ○ | M | N | I | A. |
| Carner | ○ | ○ | omnes | omnes | omnia | ○ |
| Loh | ○ | ○ | omnes | omnes | omnia | ○ |
| Walther | ○ | ○ | 8. | 2. | I. | ○ |
| Bölckel | ○ | ○ | M | N | I | A. |
| Scherker | ○ | ○ | ○ | ○ | ○ | ○ |
| Spengler | ○ | ○ | ○ | ○ | ○ | ○ |
| Barnickel | I | I. | omnes | omnes | omnia | I. |
| v. Nuffel | ○ | ○ | M | N | I | A. |
| Leonhard | ○ | ○ | 5. | I. | I. | ○ |
| Küffner | ○ | ○ | 3. | ○ | I | ○ |
| Drechsel | ○ | ○ | ○ | ○ | ○ | ○ |
| Dorn mj. | I | ○ | omnes | omnes | omnia | omnia. |
| Hager | I | ○ | omnes | omnes | omnia | omnia. |
| Schmidt | ○ | ○ | M | N | I | A. |
| Dorn m. | ○ | ○ | omnes | omnes | omnia | ○ |
| Schaum. | ○ | ○ | 9. | ○ | I. | ○ |
| Meinel | ○ | ○ | ○ | ○ | ○ | ○ |
| Schöpff | ○ | ○ | 8. | I. | ○ | ○ |
| Degen | ○ | ○ | II. | I. | omnia | ○ |
| Meyer | ○ | ○ | II. | I. | omnia | ○ |

GVOLFF.

GVOLFFG. ADAMVS Rapp, Tertius, ex quo sub auspiciis divini Numinis Quarti partes cum Tertii muniis commutavit, nihil sibi majori fuit curæ, quam ut juventutis scholasticæ studiis pro virili semper inserviret. Atque ut ne docentium mutatio profectibus discentium obeffet *reverendi Dni. Antecessoris* vestigiis insistere, telamque lectionum ab eo coeptam pertexere consultum judicavit. *Pensa verò, quæ intra vertentis anni spatium bono cum Deo confecit, sunt sequentia.*

In superiori acroaterio discipulis *Φυλέλλησι*, (quorum quidem non magna adeo turba est) ex *Actis Apostolorum* tantum *Capita IV*, ob temporis penuriam prælegere licuit à *Cap. XX.* initium capienti. *Isocratem* verò post *Festum S. Michaelis* ab ovo ut dicitur exorsus in *Orat. I. parænetica* ad *Demonicum* pedem fixit in *præcepto 12. Capit. III.* Utriusque *Græci* hujus textus, sacri pariter ac profani tractationem ita instituit, ut, præmissâ semper *analiysi Grammaticâ*, voces, phrasas ac sententias, quæ inprimis pondus inerat, erueret, erutas per alias loquendi formulas variando inculcaret. Ut adeo nullus dubitet, si domestica discentium diligentia accederet & repetitio, illos in elegantissimæ hujus linguæ studio haud pœnitendos experturos esse profectus.

Præsertim cum non defuerint imitationes ad filum utriusque auctoris propositæ, quas quidem elaboratas biga solùm optimorum discipulorum sibi exhibuit delimandas.

In *II. Classe* ex *B. Hutteri Compendio IX.* *Locos* absolvit à *Loco de Prædestinatione* ducens primordia pergendo ad *Locum* usque de *S. Coena*, quem cum duobus proximè præcedentibus sub examinis incudem revocabit. In *Hildebrandi Historiæ Universalis Synopsi XVIII.* *Imperatores Sec. VIII.* perlustravit, eorum originem, qualitates, *Conjugia*, bella & res gestas &c. discentium memoriæ inscribens. In *Justino Lib. XXVI. XXVII. XIIX. XXIX. & XXX.* ad finem perduxit, quodvis caput auctoris enucleati in vernaculam transvertendo atque imitando. Et ne suos etiam in hac classe discipulos *Græcæ linguæ* jejunos relinqueret, uti præterito anno pericopas *Epistolicas* pertractavit, ita & hoc *Evangelicas* eadem methodo exponi curavit, applicando insuper præcepta *Grammaticæ Græcæ* & verborum copiam maxime urgendo. Quot vero & quæ suis tyronibus proposuerit exercitia & *Romano & Grajo sermone* elaboranda, elaborataque reviderit, illorum libri testabuntur. *Privatos verò intra pa-*

rietes

rietes præter publicarum lectionum repetitionem, Terentium
que & Ovidium prælegendo continuavit, hunc ad usum me-
um, illum verò ad styli tersioris formationem transferendo.
Juris quoque temporibus, omnibus eo allaborabit viribus, ut
tes officii sui proporro ritè expleat, ad quod optimi Numinis
sacrosanctum, quod hæctenus abunde expertus est, devotis sibi pre-
sibus exorat.

JO. PETRVS OTTO, Quartus, extrema superioris
anni hyeme, Quinti cum partibus Quarti jussus commutavit,
&, quam Dn. Antecessor, finito tunc temporis examine, est ex-
orsus, telam continuans, hæc pertexuit pensa:

Secundae Classis civibus excellentium Imperatorum vi-
tas, Corn. Nepoti expositas, Epaminondae scilicet, Pelopidae
atque Agefilai dilucida explanatione interpretatus, ad Eumen,
porro haud ita pridem est progressus, imitationum insimul ali-
orumque observatu dignorum usu minime posthabito. Ulti-
mis IV. Elegiis Lib. I. Trist. Ovid. pertractatis e II. versus XC.
addidit, hac quidem methodo, ut & tersas loquendi formulas
erueret, & scandendo aliisve, cum ad prosodiae praecepta, quae
plus vice simplici a capite ad calcem sunt revoluta, tum artis
poeticae culturam facientibus, cum primis exerceret discipulos
adjunctis aliis quavis hebdomade, intercedentes nisi quidem id
prohibuerunt feriae, materiis versuum, & in ordinem redigen-
dorum, & in alia genera ab aliquibus transferendorum.

Tertiae Classis discipulis e Compendio B. Hutteri IX. Ar-
ticulos ad eorundem captum atque usum explicuit, initio factò
ab eo, qui agit de Bonis Operibus, quos inter Loc. de Baptismo
in praesenti examine veniet examinandus. Corn. Nepotem
cum selectis Cic. epistolis publice pariter ac privatim hac ratio-
ne exponendum curavit, qua discipulos fidei suae commenda-
tos ex informatione doctiores redire posse existimavit, imita-
tiones e singulis Capitibus & Epistolis non relinquens: cujus
laboris ipsos speciminum libros Classis utriusque habet testes.
Latinae Grammaticae praecepta discipulis sedulo instillare,
eademque magno exemplorum numero illustrare allaboravit.
In Graecae denique linguae Elementis nec non Declinationum
& Conjugationum simplicium Paradigmatibus tradendis pari
diligentia se praebuit. In posterum quoque gratia divina ad-
jutus, pro munere suo rite gerendo omnes contendet nervos.

Ca.

Samuel Tröger, Cantor & Gymnafii Collega, Discipulis Tertiæ Classis lectiones sibi demandatas, hac serie proposuit. Libellum aureum B. Dn. D. Gyntheri de christianismo, absolvit, & à fronte iterum, non sine fructu exorsus est. Fabulas Æsopi, itidem ad finem perduxit, & finito examine, Deo vitam & sanitatem largiente, illas denuò inchoabit. E Langii Grammatica, pensum sibi addictum audivit, & recitationem vocabulorum, ut & evolutionem compositorum strictissimè urfit. In arte Musica nihil neglexit, & tam artis ignaros, quàm profectiores, multoties per septimanam exercuit. Dolendum, hanc artem passim incipere titubare, & discipulos fermè omnes ab hac abhorrere, vix quoque duos inveniri, qui etiam gratis illam discere satagunt, putantes, rem esse futilem, & à gravitate viri alienam. Officii tamen memor, partes candidi Cantoris futuro tempore in se suscipiet.

JOANNES CHRISTOPHORVS VOELCKELIVS, Quintus, ex quo tenerrimæ pubis formandæ in se suscepit curam, id sibi potissimum datum esse credidit, ut veræ pietati, cujus permagna ad optima quæque vis est, a suis in primis litteretur. Huc pertinere videbatur, si quæstionibus e Catechismo memoriae mandatis, & uberiori explanatione e Compendio Gyntheri, (vulgo Himmels-Beg dicto) illustratis, præcepta illico vitæ benè instituendæ subjungeret. Ut Declinationum pariter & Conjugationum indoles suis intimius inhæreat, non monuit minus, quam acriter institit; nec seposito ἀναλύσεως latinae exercitio, in quantum quippe tyrunculorum captui consentaneum videbatur, ea simul, quæ imitando in succum & sanguinem vertenda existimabat, fideliter conjunxit. Tertiæ classis discipulos in colloquiis Langii Grammaticæ annexis exponendo resolvendo, nec non imitandi formulas satis multas supeditando gnaviter exercuit, nec in Arithmetices studio eisdem plane jejunos esse voluit. Ceteroquin & in posterum divina munitus gratia, omni ope huc adnitetur, ut pietatem Deo, fidem & industriam disciplinæ suæ traditis sancta perpetuaque lege præstet imo confirmet, adeoque muneris sui partes non inhonestè obeat.



H. vrb. Germ 714

